

1606

*Nicolaus
Delphinus
trans Min-
cium lega-
tus.*

*Mandata
ad Nicolaū
Sagredo,
Cretæ lega-
tum, de tri-
remibus in-
struendis &
militibus
conscriben-
dis.*

pidi custodia concredita fuerat, parerent, missæ; tormentarii pulveris bellicorumque apparatus vim eo devehī imperatum; legatum quoque, qui trans Mincium amnem regionem tueretur, mitti decretum: Nicolaus Delphinus lectus. In Creta Nicolao Sagredo, legato, mandatum, ut quantum maxime possit triremium numerum instrueret: duo efferæ atque montanæ Sfacchiotarum gentis sagittariorum millia, Marii Gazii, militum tribuni, incolarum ingenii, totiusque insulæ sitis apprime docti, opera adhibita, vere novo in Italiam mitteret: cunctos ad opem Reipublicæ ferendam cohortaretur, deque Cretensium subsidiis ad Senatum perscriberet. Qui in urbem frumenta importari curarent, in continentem missi: Marcus Lauretanus in Rhodiginos, Maphæus Michaelius in Vicetinos ac Veronenses, Marcus Antonius Contarenus in Taurisanos ac Carnos. Ac licet eo anno frumenti inopia tota fere Italia premeretur, Romæ sextarius Venetus amplius quinque nummis aureis veniret; Neapolis quoque ac Sicilia, Italiæ horrea, eodem malo conflictarentur, ut Prorex extrahi annonam frumentariam vetaret: in Veneto tamen solo summa frumenti aliarumque rerum uberrima affatim copia existit.

*Epidamnū
ab Hispanis
raptum.*

At Hispani, sex ac viginti triremibus, quibus Pontificis Nuntius, e portu solventibus, benedictionem impertiit, Neapoli digressi, Messanam contenderant; decem ac quatuor milite bellicoque apparatu egregie adornatis, Hidruntum se contulere; ibi Sanctacrucius, ne quidquam de illius consiliis emanaret, celocibus navigatione interdixit. Brundisium delati, nonis augusti, prima noctis vigilia, Epidamnū contendunt; ad eam partem, qua oppidum in orientem vergit, cum binis scloppettariorum millibus diluculo, Sanctacrucio duce, illati, inopinantes, paucos, imparatosque adorti, portas prosterunt. Decem tantum piraticam exercentes Turcæ, qui intra ædes quasdam se receperant, obsistere adnixi, tormentorum, quos *moscibettos* vocant, grandine perculsi cecidere. Direpta atque incensa urbe, ex Turcis centum ac quinquaginta abduxere, Christianos ducentos in libertatem vendicavere: ex inopi civitate præda parta, aliquot tantum bellica tormenta abducta. Summo ab Hispanis artificio ea acta fuisse creditum, ut in Adriaticum ingressi, Reipublicæ, quæ sinus sibi imperium jure asserit,